

博平縣志

金

地140.245

32

125

序



予視學於中課士之職有事
於志云爾爾我

邑大夫培公以新修志郵示
以序吾君博爲彈丸邑乃黃河

華嶽終南太白周秦漢唐郡

邑宮室之制日在目中而覽

得志不幾涉江漢而絕蹄涔

登大壑而俯培幾乎不知地

大小

則所以志之者亦無大小一
壘一次而天道存一卷一勾
而地道脩一民一物之盛衰
而人道見一政一事之得失
而治道闡苟以志爲修詞而

序

二

三

已乎則大不足重誠以志爲
致治攸繫也則小不可畧而
况循堤則禹跡可謂河則
孔撤可問登晉公之堂而

無明業尋唐義士一屯一

忠臣吾邑固足雄也故堵公
不以調元贊化匡王定國之
偉畧而小視博治亦即不以
衡巫雲夢瀟湘洞庭之大觀
而小視博志雖完城郭濬河

序

三

王

渠興辟雍遑遑日不暇給之
時而集名士咨賢紳因馮蘭
室先生之舊本而補七十餘
年之闕文吾知公之于治志
治邑不作二觀也治邑如治

志故一邑之形勢燎如指
而無遁情治志如治邑故入
志之是非臧否輕重緩急較
若畫一而無曲徇無傳疑治
已暮年奏最

序

一

四

五

天子徵入司農則志之百世昭
垂訓志掌之外史固可必也
已然吾更有說焉秦被山帶
河古所稱沃野千里天府之
國而今且凋敝難問蓋幅員

遼闊倏復爲難若吾邑無高山大川之限東西南北僅五六十里譬如茅簷蔭之室父子兄弟作息相同疴癢易通第昔當齊衛趙魏之衝今


序

五

三

爲漕渠陸地之逕故民淳而力竭吾願後之司牧是土者讀志而思所以捍衛之撫循之則暮年之治可常覩而修志之意爲不虛不若余之修

秦志者爲廓落而無當也
康熙三年甲辰孟冬陝西督
學道副使王功成書



序

一六

至

舊志修輯姓氏

知縣 事無錫華汝梅 編次

吳堡知縣邑人馮訓 撰輯

新志修輯姓氏

知縣 事漢陽堵焜 重纂

教諭孔貞崑 較閱

進士 荏平張翕 補修

沅陵知縣邑人張至善 采集

貢士傅學元

沅平縣志

卷一

一 傅允誠

劉呈瑞

劉滄

傅作霖 同修

生員岳支桂

李人豸

王位

謝夢卜

閔幾

李規中

王瑗

王璜 編輯

典史李猶龍 董梓

博平縣志目錄

卷之一

星野辯

歲運譜

機祥考

疆域圖

卷之二

山川紀

勝景錄

古蹟攷

田賦籍

城宇圖

壇廟紀

卷之三

官師表

選舉表

宦業傳

博平縣志

目

三

人物傳

卷之四

土俗紀

民風解

時政論

藝文錄

卷之五

藝文錄

動植錄

纂修凡例

一天文志三篇諸志皆散見於他類今取而合志於天文畏天命耳非無因而漫作也

一古蹟丘墓必備書之蓋思其人而不見見其所封表如見其人焉且示不忘於後世耳

一田賦戶口關民生休戚雖無定體亦隨更變而備書之後又繼以時政考以著興革利病焉

一官師直書其歷履其賢者分註其下尤賢者則傳之其被誣者爲之辯不賢者亦不書存厚也

博平縣志

卷一

四

一名宦非離任久鄉賢非沒身後雖功德可據亦不書戒諛佞俟論定也

一風俗之厚薄關世道之治亂故不避忌諱而盡言之望有識者之亟返也幸勿以罵罵而見罪

一寺廟之營建匱民財齋素之崇尚惑人心故於祠廟紀之詳於民風說之盡君子其詳譽焉

凡例畢

博平縣志卷之一

天文志

叙曰稽古聖神在御罔不欽天故命羲和氏齊七政以測其常政之首也保章氏志五物以詔其變教乃興焉蓋知陰陽之精其本在地而發象于天彼或齊天道爲難知而狹小一邑不足以關玄運乃畧於志焉不亦叛聖經違王道而於政教大相戾乎况志將取其懸象者以明章政教而不著其本於天非所以昭鑒矣迺以象緯莫精於星野故博平縣志

卷一

一

詳其辯沿革莫逃於歲運故系之譜感召莫切於禋禘故著爲考是三者皆大有關於政教者也遂舉而冠諸其首以志天文

天文一

星野辯

余檢象緯之志觀星野可異焉分周天之度爲十二次一次所得三十度三十分度之十四耳而三光錯行于其間即躔度寥濶列宿參差可見乃謂某宿分某野某邑直某度其何說哉豈

三光普照于九土而其精氣流通處固相吸射
耶今夫陽精之凝聚可透冰丸而回針未燧人
氏識之承以陽燧而火乃燔星不可以類識耶
晉張華氏望紫氣於斗牛間知有寶劍埋豐城
觀一豐城則他邑將無相同耶譚星野者莫辨
乎此矣後之精其術者唐一行而演爲圖者有
許洞將採一行之說乃先畫洞星漢山河相配
圖於卷首

博平縣志

卷一

四

星野之說周禮保章氏發其凡史記天官書舉其畧至班固氏志漢史取三統歷十二次配十二野而後之譚者始詳焉今志星野於一邑不考郡國爲何地則躔度奚從而辨乎夫博平之爲縣統於東昌者也今號東昌爲東郡或以爲齊而屬虛危或以爲衛而屬室壁及攷東昌爲東郡非齊之舊也齊在春秋戰國時西鄙之地曰聊攝則聊攝以東皆齊地而其地有博陵邑即吾博平之舊治也其北乃盼子所守高唐境其南則魯運射書之古



聊城此蓋齊國之境土終王建之世未嘗有東郡之稱其東郡乃秦王政五年取魏東地二十城更徙衛野王縣并濮陽爲東郡此時聊攝之地尚爲齊疆如故也至秦政二十有六年五國盡滅秦乃虜建而任之共然後齊地始併於秦遂置三十有六郡自是東郡始治聊城耳方秦未囊括四海時聊攝未嘗屬之衛安得不爲齊地乎于今東郡之所屬固兼齊衛之地也故一統志以東昌分野爲危室及考二辰之躔次則晉史玄枵起女八度陬

訾起危十六度而費直之周易分野蔡邕之月令章句又各不同至陳卓以東郡入角越絕又屬之畢紛紛之論何所取衷乎惟唐僧一行識斗杓雲漢綱紀乾坤別陰陽升降於四維辨山河紀絡於兩戒四戰中原八負四海以畫疆域而戒彝夏誠漢魏以來諸天文家所不測誠者以卓越千古稱之夫固聖於象緯者也自歐陽永叔采之唐史以志天文而譚星野者率宗主之山東通志又參清類分野書而詳其地以須女虛危在子者隸十城

而爲齊分以營室東壁在亥者隸八城而屬之衛
今置八城姑勿論而十城者則附郡之邑曰聊城
鄒之南曰莘縣西曰堂邑北曰博平博平之東曰
茌平北曰清平又其北曰高唐曰夏津曰武城曰
恩縣凡此十城皆地於齊者也而博平在其域中
矣維茲十城果當何度耶考之危宿得周天之度
十六度餘二千九百二十六秒一太唐史玄梛終
危十二度陬訾初危十三度則危之第十二度者
博平雖不得而專直之寧不借彼九城者而共直

之耶吾博禋祥固可命於此度占也而近有蘇伯
衡氏者又著爲論以駭其說而不知一行之說大
有所本昔者大禹錫帝金簡玉字之書以底績於
九載也驅黃犢以開江漢鎖巫支以奠河淮跨江
漢以導山者七夾大河而導山者十有九其於星
漢山河之界限固已昭然顯著於南北世儒讀禹
貢而不察惟一行獨能妙悟之也夫以大禹之神
而啓其端一行之智而發其蘊則雲漢山河星野
之論誠造化潛通之機而天人合一之理豈尚行